

ODLUKU
O PROPISIVANJU MJERE NEPOSREDNE KONTROLE
CIJENA ODREĐIVANJEM NAJVIŠEG NIVOIA
MALOPRODAJNIH CIJENA PŠENIČNOG HLJEBA

I.

Ovom odlukom propisuje se mjera neposredne kontrole cijena određivanjem najvišeg nivoa maloprodajnih cijena pšeničnog hljeba na teritoriji Federacije Bosne i Hercegovine.

II.

Mjera iz tačke I. ove odluke odnosi se na pšenični hljeb proizveden od različitih tipova pšeničnog brašna, koji se razvrstava i stavlja na tržište pod nazivom:

- "Bijeli hljeb" - od pšeničnog brašna tip 400, 500 i 550,
- "Polubijeli hljeb" - od pšeničnog brašna tip 700, 710 i 850,
- "Crni hljeb" - od pšeničnog brašna tip 1100 i 1600.

Mjera iz tačke I. ove odluke odnosi se na sve navedene vrste hljeba, bez obzira na trgovački naziv proizvoda.

III.

Pravna i fizička lica koja u maloprodaji vrše promet pšeničnog hljeba iz tačke II. ove odluke dužna su odrediti i primjenjivati maloprodajne cijene po jedinici mjere, tako da najviši nivo maloprodajne cijene ne može prelaziti sljedeće iznose

R. br.	Vrsta pšeničnog hljeba	Najviši nivo cijena (KM/kg)
1.	Bijeli hljeb	4,00
2.	Polubijeli hljeb	4,00
3.	Crni hljeb	4,00

Cijene iz stava (1) ove tačke uključuju porez na dodanu vrijednost (PDV).

IV.

Maloprodajna cijena za bilo koje pakovanje hljeba utvrđuje se proporcionalno njegovoj stvarnoj neto masi.

Obračun se vrši prema formuli:

Cijena = neto masa proizvoda (kg) × cijena koja ne prelazi najviši dozvoljeni nivo cijene po kg (iz tačke III. stav (1)).

Jedinična cijena izražena u KM/kg predstavlja osnovni kriterij za utvrđivanje zakonitosti maloprodajne cijene.

V.

Trgovci i proizvođači pšeničnog hljeba iz tačke II. i III. ove odluke dužni su, u skladu sa važećim propisima, jasno i vidljivo i nedvosmisleno označiti: neto masu proizvoda, vrstu hljeba, tip brašna, maloprodajnu cijenu proizvoda i cijenu po kilogramu (KM/kg).

VI.

Ova odluka ne odnosi se na proizvode od člana 13. do 21. Pravilnika o pekarskim proizvodima ("Službeni glasnik BiH", broj 77/10), pod uslovom da proizvod ima jasno deklarisan i dokaziv sastav koji ga suštinski razlikuje od osnovnog pšeničnog hljeba iz tačke II. ove odluke.

Promjena trgovačkog naziva, oblika, gramaže ili načina pakovanja proizvoda ne smatra se osnovom za izuzimanje od primjene ove odluke ako proizvod po svom sastavu i namjeni odgovara pšeničnom hljebu iz tačke II. ove odluke.

VII.

Za realizaciju i nadzor nad provođenjem ove odluke zadužuju se Federalna uprava za inspekcijske poslove, kantonalne, gradske i općinske tržišne inspekcije.

VIII.

Ova odluka primjenjuje se 60 dana od dana stupanja na snagu ove odluke.

IX.

Ova odluka stupa na snagu osmog dana od dana objavljivanja u "Službenim novinama Federacije BiH".

V. broj 777/2026
29. aprila 2026. godine
Sarajevo

Premijer
Nermin Nikšić, s. r.

Na temelju članka 19. stavak (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), članka 4. alineja 1. i članka 5. stavak (1) Zakona o kontroli cijena ("Službene novine Federacije BiH", br. 2/95, 70/08 i 39/24), Vlada Federacije Bosne i Hercegovine, na 311. žurnoj sjednici, održanoj 29.04.2026. godine, donosi

ODLUKU
O PROPISIVANJU MJERE NEPOSREDNE KONTROLE
CIJENA ODREĐIVANJEM NAJVIŠE RAZINE
MALOPRODAJNIH CIJENA PŠENIČNOG KRUHA

I.

Ovom odlukom propisuje se mjera neposredne kontrole cijena određivanjem najviše razine maloprodajnih cijena pšeničnog kruha na teritoriji Federacije Bosne i Hercegovine.

II.

Mjera iz tačke I. ove odluke odnosi se na pšenični kruh proizveden od različitih tipova pšeničnog brašna, koji se razvrstava i stavlja na tržište pod nazivom:

- "Bijeli kruh" - od pšeničnog brašna tip 400, 500 i 550,
- "Polubijeli kruh" - od pšeničnog brašna tip 700, 710 i 850,
- "Crni kruh" - od pšeničnog brašna tip 1100 i 1600.

Mjera iz tačke I. ove odluke odnosi se na sve navedene vrste kruha, bez obzira na trgovački naziv proizvoda.

III.

Pravne i fizičke osobe koje u maloprodaji vrše promet pšeničnog kruha iz tačke II. ove odluke dužna su odrediti i primjenjivati maloprodajne cijene po jedinici mjere, tako da najviša razina maloprodajne cijene ne može prelaziti sljedeće iznose

R. br.	Vrsta pšeničnog kruha	Najviša razina cijena (KM/kg)
1.	Bijeli kruh	4,00
2.	Polubijeli kruh	4,00
3.	Crni kruh	4,00

Cijene iz stavka (1) ove tačke uključuju porez na dodanu vrijednost (PDV).

IV.

Maloprodajna cijena za bilo koje pakiranje kruha utvrđuje se proporcionalno njegovoj stvarnoj neto masi.

Obračun se vrši prema formuli:

Cijena = neto masa proizvoda (kg) × cijena koja ne prelazi najvišu dozvoljenu razinu cijene po kg (iz tačke III. stavak (1)).

Jedinična cijena izražena u KM/kg predstavlja temeljni kriterij za utvrđivanje zakonitosti maloprodajne cijene.

V.

Trgovci i proizvođači pšeničnog kruha iz tačke II. i III. ove odluke dužni su, sukladno važećim propisima, jasno i vidljivo i nedvosmisleno označiti: neto masu proizvoda, vrstu kruha, tip brašna, maloprodajnu cijenu proizvoda i cijenu po kilogramu (KM/kg).

VI.

Ova odluka ne odnosi se na proizvode od članka 13. do 21. Pravilnika o pekarskim proizvodima ("Službeni glasnik BiH", broj 77/10), pod uvjetom da proizvod ima jasno deklariran i dokaziv